

Mintga dumengia «brunch da solver»
dallas 7.30–11.00 uras

Marcel Schmid GmbH
Cafe Dulezi
7188 Sedrun
www.baekereischmid.ch



Las «Punts» sa fatschentan
cun la mort

Cun rapports, emprovas litteraras ed emprovas liricas sa fatschentan las 129 avlas «Punts» cun la mort.

5

DIE SÜDOSTSCHWEIZ

LA QUOTIDIANA

Redacziun: Via centrala 4, 7130 Ilanz/Glion, tel. 081 920 07 10, fax 081 920 07 15

Far gnir cuntschaint la regiun cun far il jass

■ (ant/mfo) Quista stà varà lö a Zernez o a La Punt-Chamues-ch ün'emischium dal «Donnschtigs-Jass». L'emischium directa dal «Differenzler» es cuntschainta e vain guardada a la televisiun in media da tanter 600 000 fin 800 000 spectaturas e spectatuors. «Per noss cumüns e per la regiun es quist'ocasiun natüralmaing ideala per far üna buna reclama», ha dit Christian Buchli, il president dal comité d'organiziun dal «Donnschtigs-Jass» a Zernez.

> PAGINA 9

SPORT

Concurrenza encunter il fimar

(abc) Ils uffecis federals da sport e da sanadad, ensemen cull'Associazium olimpica svizra, organiseshan actualmeim in concurrenza per las uniuns sportivas. Entochen ils 31 da schaner ein 700 clubs e gruppas s'annunziain. Cun signar ina declaraziun han quels la schanza da gudignar premis denter 3000 e 10 000 francs. Denter auter ei il Club da velo Surselva s'annunziain.

> PAGINA 3

Gia cun 19 onns a la chatscha?

Il sboz areguard la revisiun da la lescha da chatscha chantunala è cumpari

DA HANS HUONDER / ANR

■ La regenza grischuna ha publicità il sboz per la revisiun parziala da la lescha da chatscha chantunala. Ella propona singulas midadas, tranter auter da sbassar la vegliadetgna d'astgar ir a la chatscha. Da nov duai la chatsch'auta entschaver pli baud ch'enfin uss.

La procedura da consultaziun areguard la revisiun parziala da la lescha da chatscha chantunala cuzza enfin mez matg 2005. Enfin lu han tut ils circuls interessads d'annunziar lur resalvas u giavischs envers il sboz.

Entschatta anticipada

Ina da las midadas principalas pertutga il cumenzament da la chatsch'auta. Da nov duai quella entschaver ils 2 u ils 5 da settember. «Tut tenor il resultat che las reacziuns sin questas propostas han, vegn il cumenzament da la chatscha anticipà», scriva la regenza en sia comunicaziun. Da nov duai la chatscha vegnir terminada definitivamain mintgamai ils 26 da settember. Sequent il datum dal cumenzament succeda ina interrupziun da plirs dis durant la chatscha, per uschia dar ruas a la selvaschina. «Cun ina interrupziun da



Da nov vegnan ils chatschadurs obligads da regular las armas avant il cumenzament da la chatscha. FOTO H. HUONDER

plirs dis da la chatscha – ins discorra d'almain trais dis successiv – pudess vegnir augmentada la bilantscha da prelevaziun ch'è dapi onns insufficienta la segunda emna», punctuescha la regenza. La furma vertenta da la chatscha speziala per la regulaziun fina dals effectivs da tshiervs e da chavriels la fin d'atun na duai betg vegnir midada.

Armas ston vegnir reguladas

In'ulteriura midada pertutga la

vegliadetgna minimala d'astgar ir a la chatscha. Quella vegn sbassada da 20 sin 19 onns. Pli-navant vegnan ils chatschadurs obligads da regular lur armas mintgamai avant il cumenzament da la chatscha. Persuenter ston els suttascriver ina declaranza. La revisiun preveda da nov ina tariffa minimala ed ina tariffa maximala per las taxas per la patenta da chatschadurs senza domicil in il chantun. La pussaivladad prevista fin uss en

la lescha da prolungar la chatscha auta u da la prender sumenter ina interrupziun, vegn laschada crudar ed ils motifs per la refusa da la patenta da chatscha vegnan limitads a fatgs che stattan en in connex indirect u direct cun la chatscha. Cun eruir il retgav net dal regal da chatscha vegnan resguardadas er las prestaziuns da servetsch da l'administraziun da chatscha.

> COMMENTARI

COMMENTARI

Revisiun ni pura cosmetica?

DA HANS HUONDER / ANR

Uss ei il gat ord il sac. Struschamein dus onns sumenter ch'il cussegl grond ha approbau la moziun arisguard la revisiun dalla lescha da chatscha chantunala, presenta la regenza il sboz persuenter. Quel ei vegnius elavurau dalla cumissiun da chatscha cantunala en collaboraziun cun ils organs dil departament da baghegiar, traffic e forestalesser. La finamira dalla moziun era ina revisiun totala, la fin finala ei il cussegl grond s'accordaus – sin proposta dalla regenza – cun ina revisiun parziala. Las midadas che vegnan presentadas el sboz ein denton marginalas e regordan fetg vid la davosa revisiun d'avon 17 onns. Lu havevan cumpromiss viceversa medemamein signau la revisiun. Cun l'introducziun dil perspectiv da mira per tuts chatschadurs ein las aspectativas da lezza ga vegnidas cuntentadas. Quella ga maunca la curascha da far propostas, per exempel en connex cun la chatscha d'atun che caschuna adina puspei grondas discussiuns e che leventa emozziuns. Catscha aulta e chatscha d'atun s'aidan ensemen e meretan perquei era in sistem communabel. Quel maunca denton era egl avegnir, las frontas vegnan cheutras buca mitigadas.

Quels ch'eran ussa cuntents cun la lescha da chatscha vegnan era a s'accordar vinvon cun quella, quels che criticavan ella, vegnan medemamein buc a midar tenuta. Persuenter mauncan novaziuns essenzialas e clars accents. Las speronzas tschentadas en quella revisiun ein buca severificadas. La suletta midada essenziala dalla lescha – la decriminalisaziun e la simplificaziun dil sistem da castitgs per surpassaments sempels – ei ida en vigur gia igl atun vargau. Ella ei stada necessaria. Quei che suonda uss ei plitost cosmetica che revisiun. Ei resta da spitgar ussa las reacziuns dils cerchels pertuccai, sco per exempel dallas secziuns da chatschadurs. Forsa ch'ina ni l'autra midada contribuescha tonaton aunc al status d'ina vera revisiun.



Eligius Tambornino ha bunas schanzas da sequalificar sco secund currider dil Club da skis Trun pils campiadis mundials juniors.

FOTO G. VENZIN

Il campiadis mundial en mira

■ (gv) Il viadi en Finlanda fussi per el sco in siemi, ha Eligius Tambornino da Trun detg. Quei siemi savess tgunsch daventar beingleiti realitad. Il currider da cuorsa liunga e scolar al gimnasi da sport a Tavau ei sin buna via da contonscher la qualificaziun pils campiadis mundials dils juniors che han liug il mars a Rovaniemi ella vischinonza dil cer-

chel polar. Il giuven da 18 onns ei in dils megliers Svizzers currider dalla disciplina sprint. Sumenter ina entschatta dalla sesiun malgartejada – il trenament sil Glatscher da Les Diablerets haveva duvrau empau da memia substanza – ei il currider dil Team Panda serevegnius e sia fuorma crescha. En cuorsas dil Cup continental ell'Austria seprepara Tambornino e spetga sigl «ok» dils selecziunaris.

> PAGINA 7

Record da scholars a Glion

In onn da bia embrugls pil Consorzi da scola Glion e contuorn

■ (mc) Cuntrari allas tendenzas generalas registrescha la scola superiura da Glion actualmeim aunc adina novs records dil diember da scholars. Igl onn da scola 2003/2004 ha la scola dil salem superiuor da Glion registrau in niev record da 251 scholars. Quei ei 22 dapli ch'igl onn precedent. Pervia dil

diember augmentau da scholars ei il cussegl da scola vegnius en pigiras cun las localitads. Entras transformar entuorn stanzas eis ei tuttina reussiu da catter soluziuns el baghetg existent, senza stuer prender en mira novs edificis. Pertgei naven da l'auter onn tschessa il diember probabel puspei. Sco quei che il parsura

Gerold Hafner scriva el rapport annual haigi ei dau igl onn vargau ella scola superiura da Glion «conflicts greivonts cun in grond potenzial d'escalaziun». Amplas difficultads hagien ins giu d'occupar la piazza vacanta per l'instrucziun romontscha.

> PAGINA 3

Il diember augmentau da scholars ha caschnau problems da plaz el tract dil salem superiuor alla Scola da Glion.

FOTO M. CABALZAR

